

Powšitkowne WOZJEWJENJA

njedźelu, 29. oktobra 2017

Přiležnosć k swjatej spowědži w Róžeńće

póndźelu, 30. oktobra farar M. Anders, farar G. Wornar,
17.00 – 18.00 hodź. farar D. Dzikiewicz, farar J. Magiera

wutoru, 31. oktobra farar M. Anders, farar D. Dzikiewicz,
17.00 – 18.00 hodź. farar M. Kleiner, farar S. Foelz

Nazymski program

Chór, rejwanska skupina a instrumentalisća 1. serbskeje kulturneje brigady z.t. pře-
prošuja wutrobnje na nazymski program, kotryž budže tutu njedźelu, 29. winowca,
w 15.30 hodź. na Krawčikec žurli w Chróscicach. Hosći wočakuje pisany program
tradicionelnych a načasnych spěwow, rejow kaž tež melodijow na tradicionelnych
serbskich instrumentach. Cyłkowny nawod změje Friedemann Böhme.

Zajimcy za skawtstwo přeprošeni

Prěnja skupinska hodžina wjelčatow Serbskich skawtow „Alojs Andricki“ přewjedže so
wutoru, 31. oktobra, w 15.00 hodź. na farje w Ralbicach. Witane su wšitke zajimowane
džěci mjez wosom a dwanaće lětami. Štóž chce sobu činić, njech so prošu pola Ka-
tje Hrjehorjec w Sulšecach z mailku pod adresu katja@skawt.de hač do pjatka,
27. oktobra, přizjewi.

Zetkanje putnikow

Putnicy, kotřiž su so lětsa pěši z Waršawy do Częstochowy podali, su na zetkanje
do Radworja na faru přeprošeni. Tute budže wutoru, 31. oktobra, po różowcowym
nyšporje, kotryž je we 18.30 hodź. we wosadneje cyrkwi.

Kermuška w Njebjelčicach

Lětsa přeprošujemy was, lubi serbscy młodostni, přeni raz na Njebjelčansku mło-
džinsku kermušku. Tuž přińdźće pjatk, 3. nowembra, do Njebjelčic! Započnjemy
w 19.00 hodź. z młodžinskej Božej mšu w cyrkwi. Přizamknu so reje z diskoteku Me-
lodia w „Bjesadze“. Zastup płaci tři eura. Wjeselimy so na was! *Njebjelčanska młodžina*

Eksercicije za Serbow

„Póšli swojeho Ducha a wobnowiš wobličo zemje... A tež mje!“ Pod tutym hesłom su
tež lětsa zaso eksercicije za Serbow w Drježdžanach Wysokich Dubach, wot pjatka,
3. nowembra, wječora hač do njedźele, 5. nowembra, připołdnju. Wšitcy wěriwi
ze serbskich wosadow su přeprošeni, so na tutech dnjach wobdželić. Přizjewjenja
přijimaju so direktnje w Haus HohenEichen Exerzitenhaus, Dresdner Str. 73,
01326 Dresden, info@haus-hoheneichen.de, telefonowe čisło (03 51) 2 61 64 10 abo
w Chróscicach na farje pod telefonowym čislom (03 57 96) 8 04 00.

Wopomnjenska nutrnosć w Hórkach

Na Hanku Šěrcec, katolsku Serbowski židowskeho pochada, ma so štwórtk, 9. nowembra, w 17.30 hodź. z wopomnskej nutrnosću w Hórkach při kopolaku-plesternaku spominać. Wšitcy su k tomu wutrobnje přeprošeni.

Mjezynarodne putnikowanje ministrantow

Klětu wotměje so wot 29. julija do 4. awgusta mjezynarodne putnikowanje ministrantow do Roma. Wobdźelić smědža so wšitcy, kotřiž su potom znajmjeńša 13 lět stari. Přinošk wučinja na wosobu 395 eurow. Zajimcy měli so hač do srjedy, 15. nowembra, na farje swojeje wosady přizjewić. Dalše informacije ma dekanatne dušepastyrstwo we Worklecach.

Jězba za serbskich młodostnych k 75. smjertnemu dnjej do Dachauwa

Towarstwo Cyrila a Metoda z.t. a Worklečanske dekanatne dušepastyrstwo młodžiny přeprošujetej składnostnje 75. posmjertnin zbožneho kapłana Alojsa Andrickeho młodostnych wot 9. lětnika klětu wot soboty do njedźele, 3. do 4. februara, na jězbu do Dachauwa a Mnichowa. Předwidžany plan je w Katolskim Posole wozjewjeny. Tuta jězba by móhła tež hodowny dar młodostnemu być.